



Piis Manibvs Viri Illvstris Et Generosissimi Domini Domini Christophori
Fvreri Ab Haymendorf In Wolkersdorf, Sacr. Caesar. Maiestati A
Consiliis ... Liberae Reipvblicae Norimbergensis Dvvmviri Primarii ...
Immortaliter Meriti, Hoc Qvalecvnqve Patrocinii Monumentvm
Svbiectissima Animi Veneratione Sacrvm Esse Vvlt. I. A. R.


Erscheinungsort nicht ermittelbar

LP F 2° I, 00032 (09,08)

https://dhb.thulb.uni-jena.de/receive/ufb_cbu_00009498

urn:nbn:de:urmel-8580652c-53e1-4943-b7da-bd454a3115bf-00008747-14

Lizenz: <https://creativecommons.org/publicdomain/mark/1.0/>



PIIS MANIBVS
VIRI
ILLVSTRIS ET GENEROSISSIMI
DOMINI
DOMINI



CHRISTOPHORI



FRERER

AB HAYMENDORF IN WOLKERSDORF,
SACR. CAESAR. MAIESTATI A CONSILIIS,
ITEMQVE ALIQVOT

SERENISSIMORVM S. R. I. PRINCIPVM
CONSILIARII SANCTIORIS

PARITERQVE
PER-ILLVSTRIS ET S. R. I.
LIBERAE REIPVBLICAE NORIMBERGENSIS

DVVMVIRI PRIMARI
SCVLTE

AC
PRAETORIS CASTRI IMPERIALIS

ATQVE
XENODOCHII AD SPIRITVM S. ET D. CATHARINAE

PRAEFECTI SVMMI,

IMMORTALITER MERITI,

HOC QVALECVNQVE
PATROCINII MONIMENTVM
SVBIECTISSIMA ANIMI VENERATIONE SACRV M ESSE VVLT.

I. A. R.



Valis , cum subita lampas Titania nocte
Conditur , et rauco crepitat domus alta fragore
Coelorum . pavor omne genus mortale per orbem
Terriat : afflictæ talis nunc incubat vrbi
Horror , funereas quasfans Libitina cupressos
Dum furit , et , rupto Patriæ vix stamine *PATRIS*,

• Te , *FVRERE* , decus proh ! immortale Senatus ,
Aonidum columen , iusti tutamen et æqui ,

Improvisa rapit , simul et tot pignora rari
Aufert ingenii mundo , ac cum funere celat.

En ! Pietas ad busta stupet : flet Curia : Ciues

Ferali positum corpus praelustre feretro

Humectant lacrimis : querulum dolor edere murmur

Vix finit attonitos : trepidant singultibus ora.

Me quoque communis trahit ad consortia planctus ,

Me iubet officium , TE Maecenate peremto ,

Deplorare pios lugubri pectine Manes ,

Et tristi calamo miserabile ludere carmen.

Dic , precor , exiguo , Patnassia Diua , clienti

Quæ nunc digna *VIRO* , gratæ molimina mentis ,

Mausolea struam ? Proh ! totum in vertice Pindum

Ingens luctus habet , sacraeque Aganippidos vnda

Haeret , et optatae fugiunt ad carmina Musæ.

Littus arat , quisquis meritis accrescere vana

Laude putat cumulos . Decorî , quod grandibus ausis

Ipsa sibi peperit Virtus , præconia Vatum

Addere quid poterunt ? Viuet post fata superstes

Gloria , quam proprio dudum sibi Marte parauit

FVRERI mens alta Senis , plenoque theatro

Pro.

Prostat, et astrifero transcriptum nomen Olympo
 Vilia raucifoni spernit suffragia plectri.
 Iusta tamen soluenda *TIBI*, concede laborem
 Extremum, *DEFVNCTE*, mihi, documenta peractae
 Dum repetam vitae, vel sic solamen habeo.
 Audiât haec seris exurgens postera seclis
 Natio: *FVRERVM* grauitate fuisse Catonem;
 Nestora consilio, iusti ratione Solonem,
 Ac bonitate Titum: Quem primo à limine vitae
 Fouit Cirrhâ sinu, blandis sapientia dictis
 Finxit, et illustres feruor stimulauit ad artes.
 Quem vigor ingenii, vel auiti nobile lucrum
 Sanguinis ignauo Soles traducere luxu
 Noluit. Accendunt forti praecordia zelo
 Ardua gesta Patrûm: Majorum insistere plantis
 Fert amor, et virtus est vnica meta laborum.
 Sic olim Afcanius patriis instare flagrabat
 Laudibus: his Stilico studiis ardebat, et isto
 Percitus ad culmen tendebat Honorius oestro.
 Inde peregrinas alio sub climate gentes
 Visurus molitur iter: Prudentia Ductrix
 It comes. In Batauis quid sit memorabile terris,
 Quae Latii momenta soli, quas Gallia dotes
 Ostendet late populis, aut Anglia jactet,
 Rimatur, propriosque sibi conseruat in usus.
 Ergo redux gazis magis auctus Jâfone, plausu
 Ingreditur Patriam, quae scenam pandit honorum,
 Et dignum meritis gaudet decernere munus.
 Vidimus immotis commissa negotia curis
 Tractantem, et iustis librantem pondera rerum
 Lancibus. Infantes absoluit, crimina damnat,
 Arbiter insignis recti. Tunc risit ab axe
 Ipsa Thetis, nutuque fauens majora spondit.
 Omen adest. Jam templa Deum, jam docta Mineruae
 Atria *FVRERO* sub Curatore triumphant.
 Laetantur viduae, pupilli prospera sperant:
 Quod facit, et dextra miseros clemente tuetur
 Auxilioque iuuat. Post haec aeraria Quaestor
 Accedit. Quo plura Tuis *VIR SVMMÆ*, lacertis
 Munia concredit *PATRVM* Venerabilis Ordo,
 Hoc et plura Tibi Ciues debere fatentur

Com.

Commoda , longaeuos ideò Tibi quilibet annos
 Felicesque dies , et non rumpenda Sororum
 Fila vouet. Quid plura loquar ? Velut aethere summa
 Lucidior radiat nactus fastigia Phoebus :
 Sic *TV* , cum castrum *PRAETOR* conscendis et arcem
 Noridos , in summa positus statione , nec vltra
 Tendens , in populum directo plena fauoris
 Tramite splendidior vigilantia lumina torques.
 Sic poteras *DVX* esse Chori : Sic Nominis imples
 Mensuram , *VENERANDE* , Tui. Proh ! quanta , perempto
TE , bona perdidimus ! Vix est reparabile damnum,
 Eliciunt gemitus imis infixæ medullis
 Vulnera , quæis tota Podalirius arte medendis
 Atque salutiferis Chiron non sufficit herbis.
 Parcite proh ! Superi , satis est poenaeque malique !
 Parcite ! Noriacæ satis est Diadema Coronæ
 Si perit. O ! reliquos seruate ex Ordine *PATRES*
 Incolumes saluosque diu , quos cura salutis
 Publica non vllis moriantur mensibus optat !
 Siftit verba dolor. Magni insperata *PATRONI*
 Subiecto grauior tanto iactura clienti ,
 Quo minor est gratam monstrandi copia mentem,
DULCES EXUVIAE , testor clarissima mundi
 Sidera , vitalem dum Spiritus hauriet auram ,
 Non capient nostrum meritum obliuia pectus ;
 Sed Vos assiduo sacrâ venerabor in urnâ.

